

PERMOHONAN KEMASUKAN KE MAKTAB RENDAH SAINS MARA (MRSM)

TINGKATAN SATU 2017

SABAH & SARAWAK

MRSM menyediakan sistem pendidikan yang berteraskan ilmu, teknologi dan nilai-nilai keusahawanan bagi melahirkan insan cemerlang yang holistik dan berintegriti.

MARA mempelawa pelajar TAHUN ENAM 2016 yang berminat serta cemerlang dalam sahsiah diri dan akademik untuk kemasukan ke tingkatan 1 MRSM tahun 2017 di Sabah dan Sarawak.

MARA memberi keutamaan kepada pemohon daripada keluarga berpendapatan rendah di luar bandar dan bandar.

Pemohon hendaklah mempunyai keperibadian yang baik dan memenuhi syarat kelayakan seperti di bawah:

- Memiliki sikap diri yang positif.
- Tahap kesihatan yang baik dan mampu menjalani program kecerdasan fizikal.
- Pelajar bersedia untuk tinggal di asrama sepanjang tempoh pengajian dan mematuhi arahan serta peraturan dengan penuh disiplin.
- Memperoleh keputusan minimum 3A 3B (A dalam subjek Matematik dan Sains dan tiada gred C, D dan E) dalam Ujian Pencapaian Sekolah Rendah (UPSR) tahun 2016.
- Aktif kegiatan kokurikulum dan bersedia mengikuti pelbagai program yang dianjurkan.
- Sentiasa menjaga nama baik keluarga, MRSM dan MARA.

Terdapat tiga program yang berteraskan *Science, Technology, Engineering and Mathematics (STEM)* dilaksanakan di MRSM, adalah seperti berikut:

i. MRSM Program Sistem Pendidikan Maktab Rendah Sains MARA (SPMRSM)

Program ini melaksanakan Sistem Pendidikan MRSM (SPMRSM).

ii. MRSM Program SPMRSM Cambridge IGCSE

Program SPMRSM Cambridge IGCSE (*Cambridge International General Certificate of Secondary Education*) ialah Sistem Pendidikan MRSM yang menawarkan dwisijil iaitu Sijil Pelajaran Malaysia (SPM) dan IGCSE dalam tempoh lima tahun pengajian. Pelajar menduduki kedua-dua peperiksaan iaitu Cambridge IGCSE semasa di tingkatan empat dan SPM semasa di tingkatan lima.

iii. MRSM Program SPMRSM IB Middle Years Programme (MYP)

Program SPMRSM IB MYP mengekalkan kurikulum sedia ada yang dilaksanakan di semua MRSM seluruh Malaysia dan mengaplikasikan pendekatan MYP dari Sistem Pendidikan International Baccalaureate.

A. CARA MENDAPATKAN KATA LALUAN MELALUI ONLINE :

Pemohon baru perlu mendapatkan kata laluan permohonan terlebih dahulu secara dalam talian (*online*). Pemohon perlu layari laman web berikut untuk mendapatkan kata laluan permohonan.

<https://mohon.mrsm.edu.my/form1/login.jsp>

Pengambilan kata laluan permohonan adalah percuma. Tempoh pengambilan kata laluan permohonan dibuka mulai **13 September hingga 21 Oktober 2016**.

B. MENGISI BORANG PERMOHONAN ONLINE :

Sila rujuk Lampiran 2. Selepas mendapat kata laluan, pemohon mestilah mengisi borang permohonan *online* melalui laman web <https://mohon.mrsm.edu.my/form1/login.jsp>.

Pemohon mestilah mengisi semua maklumat yang diperlukan di dalam borang permohonan *online* dan memastikan borang tersebut dihantar secara *online*. Untuk maklumat lanjut sila layari laman web MARA di alamat :

<http://www.mara.gov.my>

C. ONLINE SELF-ASSESSMENT (OSA)

Pemohon juga perlu menjawab **Online Self-Assessment** bagi subjek Keperibadian dan Bahasa Inggeris dalam tempoh yang ditetapkan di pautan (*link*) yang akan diberikan dalam cetakan borang permohonan.

Pemohon perlu mengisi nombor telefon dan emel yang boleh dihubungi untuk memudahkan penyaluran maklumat permohonan. Tempoh mengisi borang permohonan *online* dan menjawab **Online Self-Assessment** ialah mulai **13 September hingga 21 Oktober 2016**.

Pemohon mestilah memilih MRSM yang dinyatakan mengikut program sebagai pilihan pertama semasa mengisi borang permohonan. Pemohon perlu menghantar cetakan borang permohonan *online* dan semua dokumen berkaitan yang telah disahkan ke alamat di bawah:

(Permohonan ke Tingkatan 1 Tahun 2017)

Pengarah,
Bahagian Pendidikan Menengah,
Tingkat 19, Ibu Pejabat MARA, 21, Jalan MARA,
50609 KUALA LUMPUR.

Tarikh akhir menghantar cetakan borang serta dokumen yang telah disahkan ialah selewat-lewatnya pada **4 November 2016**.

D. UJIAN KECENDERONGAN KEMASUKAN KE MRSM (UKKM) DAN TEMUDUGA (UNTUK PEMOHON YANG MEMILIH MRSM TUN MUSTAPHA DAN MRSM KUCHING SAHAJA)

Pemohon yang layak menduduki UKKM akan dimaklumkan melalui emel dan Khidmat Pesanan Ringkas (SMS). Kelayakan menduduki UKKM ini akan dimaklumkan selepas keputusan UPSR 2016 diumumkan.

Pemohon perlu log masuk semula ke dalam sistem permohonan melalui laman web <https://mohon.mrsm.edu.my/form1/login.jsp> untuk memilih pusat ujian UKKM. Pemilihan pusat ujian ini akan dibuka selama seminggu.

Sila rujuk laman web MARA dari semasa ke semasa untuk maklumat terkini. Pemohon akan menduduki UKKM pada tarikh dan pusat ujian yang telah dipilih berdasarkan kekosongan.

Pemohon yang berjaya ditawarkan UKKM mestilah membawa cetakan borang permohonan dan dokumen berkaitan yang telah disahkan ke pusat ujian yang dipilih.

E. TARIKH TUTUP

Tarikh akhir permohonan secara *online* ialah pada **21 Oktober 2016**.

F. MAKLUMAT TAMBAHAN

Pemohon mestilah warganegara Malaysia. Permohonan ini terbuka kepada pelajar yang bersekolah di Sabah dan Sarawak:

- i. Bumiputera tahun enam.
- ii. Bukan bumiputera tahun enam yang sedang menuntut di Sekolah Kebangsaan atau Sekolah Rendah Kebangsaan.

Hanya permohonan yang memenuhi syarat kelayakan sahaja akan dipertimbangkan. Permohonan yang tidak lengkap seperti tidak menghantar secara *online* tidak akan dipertimbangkan.

Pemohon yang berjaya sahaja akan dihubungi. Sekiranya pemohon tidak menerima sebarang jawapan sehingga 30 April 2017, permohonan dianggap tidak berjaya. Pemohon yang berjaya akan ditempatkan di MRSM yang bersesuaian mengikut kriteria yang telah ditetapkan oleh MARA.

Pemohon yang ditawarkan ke Sekolah Berasrama Penuh (SBP) dan Sekolah Berasrama Penuh Integrasi (SBPI) Kementerian Pendidikan Malaysia tidak akan ditawarkan ke MRSM. Keputusan Jawatankuasa Pengambilan Pelajar MRSM adalah muktamad.